

# घणी दूर से दोड़्यो थारी गाडुली के लार

घणी दूर से दोड़्यो थारी गाडुली के लार,  
अर र र, थारी गाडुली के लार,  
गाड़ी में बिठा ले रे बाबा,  
जाणों है नगर अंजार।

नरसी बोल्यो म्हारे सागे, के करसी,  
ओढ़न कपडा नाहीं,  
बैठ सियां मरसी,  
बूढ़ा बैल टूटचोड़ी गाड़ी,  
पैदल जावे हार,  
अर र र, पैदल जावे हार,  
गाड़ी में बिठा ले रे बाबा,  
जाणों है नगर अंजार।

ज्ञान दासजी कहवे गाडुली तोड़ेगा,  
ज्ञान दासजी कहवे तूमड़ा फोड़ेगा,  
घणी भीड़ में टूट जावे,  
म्हारे ईकतारा रो तार,  
गाड़ी में बिठा ले रे बाबा,  
जाणों है नगर अंजार।

नानी बाई रो भात देखबा चालूंगों,  
पूर्ण पावलो थाली में भी डालूंगो,  
दोए चार दिन चोखा चोखा,  
जीमूँ जीमणवार,  
अर र र, जीमूँ जीमणवार,  
गाड़ी में बिठा ले रे बाबा,  
जाणों है नगर अंजार ।

जोड़े ऊपर बैठ हाँकस्युं में नारा,  
थे करज्यो आराम दाब स्युं पग थारा,  
घणी चार के तड़के थाने,  
पहुचा देऊँ अंजार,  
गाड़ी में बिठा ले रे बाबा,  
जाणों है नगर अंजार ।

टूटचोड़ी गाड़ी भी आज विमान बणी,  
नरसी गावै भजन,  
सुणे खुद श्याम धणी,  
सूर्या सगळा पीठ थपे ने,  
अर र र, जीवतो रे मोटचार,  
गाड़ी में बिठा ले रे बाबा,  
जाणों है नगर अंजार ।

Source: <https://www.bharattemples.com/ghani-dur-se-dorgyo-thari-gaaduli-le-laar/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>